

الكاثوليكون


يوحنا الثانية

الحفاظ على الحق

الحق في حياتنا .. نحافظ عليه من خلال الثبات على الإيمان الصحيح بربنا يسوع ... و من خلال محبتنا له و لبعض كما أحبنا هو

طبعاً الملخص ده لا يغني أبداً عن القراءة الشخصية للكتاب المقدس و التأمل العميق في كلامه
ده مجرد ملخص بسيط, مش درس كتاب ☺

**i** عن السفر



📌 السفر موجّه لمين؟

- السفر ده هو الوحيد في الكتاب المقدّس الموجّه لسيّدة
- السيّدة دي واضح إنها خادمة و أم رائعة ... مش مذكور مكانها فين
- السيّدة المختارة دي بترمز للكنيسة في كل زمان و مكان

? ظروف الكتابة:

- كاتب الرسالة هو القديس يوحنا الحبيب (ابن زبدي) في أواخر القرن الأول الميلادي
- ساعتها كانت طلعت بدّع كثير و انشقاقات في الكنيسة و بدأ ناس ينكروا لاهوت السيد المسيح

✅ هدف السفر:

التحذير من المعلمين الكذبة اللي أنكروا السيد المسيح

📖 ملخص السفر



👤 آية 1 ل 4 تحية من القديس يوحنا لكيرية و أولادها ... و واضح إنهم محبوبين من الكنيسة كلها و مشهورين

الشيخ، إلى كيرية المختارة، و إلى أولادها الذين أنا أحبهم بالحق، و لست أنا فقط، بل أيضاً جميع الذين قد عرفوا الحق

يوحنا الثانية 1 : 3

❤️ آية 5 و 6 وصية المحبة العاملة ... نحب الله بأن نحفظ وصاياه ... و الفكرة دي موحودة في الرسالة الأولى بتفاصيل أكثر

و هذه هي المحبة: أن نسلك بحسب وصاياه. هذه هي الوصية: كما سمعتم من البدء أن تسلكوا فيها

يوحنا الثانية 1 : 6

❗ آية 7 ل 11 تحذير من المُضِلِّين ... المعلمين الكذبة اللي بيتظاهروا إنهم بيتكلموا كلام ربنا بينما هم بينكروا السيد المسيح ... الناس دي بتحاول تنشر أفكارها الكاذبة وسط المسيحيين

و رد معلّمنا يوحنا واضح: ارفضوا تماماً إن الناس دي تعلّم

كل من تعدّى و لم يثبّت في تعليم المسيح فليس له الله. و من يثبّت في تعليم المسيح فهذا له الآب و الابن جميعاً. إن كان أحد يأتيكم، و لا يجيء بهذا التعليم، فلا تقبلوه في البيت، و لا تقولوا له سلام. لأن من يسلم عليه يشترك في أعماله الشريرة.

يوحنا الثانية 1 : 9 ل 11

طبعاً يتفهّم من الكلام إن المعلّمين دول مكانوش بيعلموا في الكنيسة ... أو إن مكانش فيه كنيسة بيتجمع فيها المسيحيين في المكان ده، بل بيصلّوا في البيوت 🙏 **آية 12 و 13 تحية ختامية** ... و الآية اللي جاية بعض المفسّرين قالوا إن القديس يوحنا ساعتهأ كمان كتب الرسالة لكنيسة مش لسيّدة بعينها

يسلم عليك أولاد أختك المختارة

يوحنا الثانية 1 : 13

الأولاد دول هم أولاد كنيسة أفسس اللي كان راعيها هو القديس يوحنا



المراجع 📖

- موقع The Bible Project
- وعظة أبونا داود لمعي من برنامج فتشوا الكتب
- موقع القديس ت كلاهيمانوت